

"Eraka Lyomukondi Kapi Aligwire Pevhu"

Erenstine Hamunyera¹

Pomukunda gwaMurayi moUkwangali pwa kere mukurukadi gedina Nangura namunwendi gomukadona Kasiku. Kasiku kwa gwene pito zokulirongera mosirongo simwe sa Afrika moNigeria. Apa sasikere siruwo sokuza kosure, ozina tava mu rekere asi, munange genda nombili noku ka sikisa mo sitambo soge esi ono kuzira, kali pore koyirwesa. Ove oka vangarare asi "mazego yisupa, marungu nyama zovantu". Kalikunge ku ka kagura nompo domarudi gopeke aga
wa dira kudiva, genda po nawa munwange.

Elima lyokuhova Kasiku nayinye gaka yi siksire mo nawa, nozina nawo kwava hafesere sili unene. Elima lyokukwama ko yipo gaka lihere omumati gokoNigeria. Epwizumuko lyendi lyaSindimba kapi hena ga here kuwiza koNamibia, ta zi namumati gwendi kembo lyomumati.

Apa vaka sikire kembo lyomumati, mumati yipo gaka tanterere Kasiku asi, ose kwa kara nompo zetu. Vamatyi kapi ava kara membo ngorova dogoro pokatji komasiku ntani nava wiza momambo. Wahali zuvhua yoyidona, nye nsene nozuvha tava ngongora kevero wa ha zegurura. Ame tani simbi nonsapi ntene nina ka tengura tani zegurura nyamwange.

Konyima zosivike Kasiku ta lipura nyamwendi asi yisinke eyi ayi ngongora nkenye ezuva. Ezuva oyo ta limini asi neina sene nayi ya ngongora tani ya zegurura konzugo, yipo ni ya tare eyi ayi ngongora. Eyi lyatoka ezuva yiyo ga rugene yooyo.

Nani nye ogo mumati gwendi kwa kere mpure, ngali sintunuka ezoka. Masiku nani nga zi aka nyanguke eyi nga paruka mowupure wendi. Apa ngaya siki pevero nga ngongora age ga hana kulisintunuka simpe a kare muntu. Konyima apa nga kara muntu ntani ana kuhwilira monzugo.

Kasiku tupu ga zuvhire engongoro komuvero nare ana zegurura, a tare emuzoka lyenene eli ga dira komuna rumwe alyo lina sikama ngwendi muntu. Kasiku kwa sikakene tupu ana fu situtu kapi ga vhulire nampili kuligumagura a rugane yuma. Ezoka tali hwilire monzugo, talirondo pombete. Konyima zokaruwo ezoka talidonganoka pombete, kutara ko mumati gwendi yige ana rara po.

¹ Ernestine Hamunyera is a teacher in the Languages Department at Kaisosi Combined School in the Kavango Region. She holds a Basic Education Teachers Diploma (BETD) and a Diploma in African Languages (DEAL). Her areas of research interests include African Languages, African Cultures, African Folklore. She has 20 years of teaching experience.

Mumati gwendi ta mu handukire kweti ana zegwilire kevero. Ta mu nyokere hena asi narumwesi kuyitantera vantu wopeke nampili womoNigeria vaava. Kasiku kwa kere ana tjira yipo ga tengwire koNamibia.

Apa ga ya sikire kosirongo sawo sana Namibia tayi tantere ozina asi kapi nani paruka, yilyo hena nali kara ehagero lyosure zange, sitambo sange kapi nasi sika mo, morwa eyi nina kamona moNigeria kapi ava yi paruka ngomu nina yi mu tantere ngesi. Tupu gamene kuyi simwitira makura Kasiku ta zaruka. Kutunda opo ta zi nkugwasirongo makura pere. Varorokere kupapara nokumu gwana si. Nogusi ga diva oku ga dongonokera Kasiku naneina eli. Vosili gatanta mukwangali asi "eraka lyomukondi kapi a li gwire pevhu."